



ქალაქ თბილისის მუნიციპალიტეტის საკრებულო



გ ა ნ კ ა რ ბ უ ლ ე ბ ა № 139

25 მაისი
“ --- ” ----- 2018 წ

ქ. თბილისი

ქალაქ თბილისში, სამგორის ქუჩა №16-ში (საკადასტრო კოდი №01.17.11.014.005)
მდებარე უძრავი ქონების პირდაპირი განკარგვის ფორმით პრივატიზების საკითხის
შეთანხმების თაობაზე

საქართველოს ორგანული კანონის - „ადგილობრივი თვითმმართველობის
კოდექსი“ მე-16 მუხლის მე-2 პუნქტის „ბ“ ქვეპუნქტის, 61-ე მუხლის მე-2 პუნქტის,
75-ე მუხლის „დ.ა“ ქვეპუნქტის, 118¹ მუხლის პირველი და მესამე პუნქტების და „ქ.
თბილისის მუნიციპალიტეტის საკუთრებაში არსებული ქონების პირდაპირი
განკარგვის ფორმით პრივატიზების წესის დამტკიცების შესახებ“ ქალაქ თბილისის
მუნიციპალიტეტის საკრებულოს 2015 წლის 12 აგვისტოს №21-85 დადგენილებით
დამტკიცებული წესის პირველი მუხლის მე-3 პუნქტის, მე-2 მუხლის პირველი და
მე-6 პუნქტების შესაბამისად, ქალაქ თბილისის მუნიციპალიტეტის საკრებულომ
დაადგინა:

1. მიეცეს თანხმობა ქალაქ თბილისის მუნიციპალიტეტის მთავრობას, „ქ.
თბილისში, სამგორის ქუჩა №16-ში (უძრავი ქონების საკადასტრო კოდი
№01.17.11.014.005) მდებარე უძრავი ქონების პირდაპირი განკარგვის ფორმით
პრივატიზების თაობაზე“ ქალაქ თბილისის მუნიციპალიტეტის მთავრობის 2018
წლის 16 მაისის №18.323.533 განკარგულების დანართი 1-ით წარმოდგენილ ნუსხაში
გათვალისწინებული უძრავი ქონების, ამავე ნუსხაში მითითებულ პირთათვის
პირდაპირი განკარგვის ფორმით, სიმბოლურ ფასად - 1 (ლარად) პრივატიზებაზე,
ზემოაღნიშნული განკარგულების დანართი 2-ით წარმოდგენილი ხელშეკრულების
პროექტის შესაბამისად.

2. განკარგულება, ერთი თვის ვადაში, შეიძლება გასაჩივრდეს თბილისის
საქალაქო სასამართლოს ადმინისტრაციულ საქმეთა კოლეგიაში (მისამართი: ქ.
თბილისი, დავით აღმაშენებლის ხეივანი, მე-12 კმ., №6).

საკრებულოს თავმჯდომარე

გიორგი ტყემალაძე